

Bosna i Hercegovina
Federacija Bosne i Hercegovine
Kanton Sarajevo
GIMNAZIJA DOBRINJA



JU Gimnazija Dobrinja – Sarajevo sa sjedištem u Sarajevu, u ulici Senada Poturka Senčija b.b., upis u registar Kantonalni sud br: UF/I-2536/03 od 30.01.2004. godine, Budžet Kantona – Trezorsko poslovanje, budžetska organizacija: 2103016, identifikacioni broj:4200123400007 koju zastupa direktor Enver Ahmetpahić, prof. (u daljem tekstu: Kupac)

i
"MAMS" d.o.o. Sarajevo, ul. Dobrinjske bolnice b.b., upis u registar Kantonalni sud Sarajevo, broj rješenja: UF/I-1662/02 od 04.10.2002.godine, ID broj:4200415010005, PDV broj: 200415010005, kojeg zastupa direktor Smječanin Miralem (u daljem tekstu: Prodavac) zaključuju

UGOVOR

O

NABAVCI MATERIJALA ZA POPRAVAK I ODRŽAVANJE ZGRADE

PREDMET UGOVORA

Član 1.

Predmet ovog Ugovora je kupoprodaja materijala za popravak i održavanje zgrade određenog u specifikaciji ponude Prodavca, a u skladu sa Odlukom o pokretanju postupka javne nabavke broj: 07-17-544/20 od 2.6.2020. godine.

CIJENA

Član 2.

Ukupna ugovorna cijena iznosi do 5.600,00 KM sa PDV-om, odnosno 4.786,32 KM bez PDV-a. Pojedinačne cijene robe su precizirane u Ponudi Ponuđača broj: 4/06/20 od 3.6.2020.godine. Cijene su fiksne i nepromjenjive. Fakturisanje robe se vrši po važećem cjenovniku Prodavca iskazanom u ponudi broj: 4/06/20 od 3.6.2020.godine, u ugovorenom roku na osnovu otpremnih dokumenata (otpremnica i si,) potvrđenih od strane Prodavca da je preuzeo robu, te izdao i predao fakture i to na dan preuzimanja robe.

ROK ISPORUKE

Član 3.

Prodavac se obavezuje da isporuči robu iz člana 2. ovog ugovora u svemu pod uslovima iz prihvaćene ponude.

Prodavac je dužan da Kupcu isporučuje robu sukcesivno po prijemu narudžbe, u toku trajanja ugovora. Mjesto isporuke je JU Gimnazija Dobrinja-Sarajevo, ulica Senada Poturka Senčija b.b., Sarajevo.

KVANTITATIVNI I KVALITATIVNI PRIJEM I REKLAMACIJA

Član 4.

Kvalitativni prijem robe Kupac vrši prilikom preuzimanja iste, u svom skladištu. Reklamaciju na vrstu robe, Kupac će dostaviti u obliku komisijiskog zapisnika o prijemu robe u roku od 5 (pet dana), od dana prijema robe.

Prodavac je dužan da po prijemu zapisnika neodgovarajućih roba, iste povuče od Kupca. Reklamaciju na kvalitet kupac će dostaviti u roku od 5 (pet dana) od saznanja da roba ne odgovara kvalitetu. U tom slučaju Kupac i prodavac će sačiniti zajednički zapisnik o kakvim nedostacima se radi i predložiti način otklanjanja.